

PINTOR FREDDY PATIST TA EXHIBI NA CURACAO DI DIABIerna AWOR TE MITAR DI DECEMBER

ORANJESTAD(AAN): — E pintor Arubiano Freddy Patist ta exhibi trintise di su obranan di Diabierna 27 di November te Diahuebs 17 di December na Curacao.

E exhibicion lo tuma lugar na Classic Caribbean Art Gallery na Jongbloed y ta riba invitacion di e galeria aki mes.

Señor Patist ta e prome cu a wordo invita pa exhibi na e galeria na Jongbloed pero e intencion ta cu hopi artista Arubiano mas lo sigui.

Den un comentario pa DIARIO, e pintor ta bisa cu su intencion ta tambe pa invita y trece artistanan Curasoleño Aruba pa nan exhibi den Galeria Harmonia.

E obranan cu Freddy Patist lo exhibi na Curacao ta parti di cuatro serie, cualnan ta "oriental y glas", "abstracto y glas", "abstracto" y "batik cu glas".

Ultimamente señor Patist a inventa un tecnica nobo caminda e ta usa glas mula pa yena rond di e parti geverf di un obra. E mes ta kibra e glas aki te cu e ta fini manera santo y dje y ta tire riba e cuadro (muha cu verf o lijn) for di un haltura.

Despues cu e verf o lijn caba di seca, e ta bati e cuadro y e glas cu ta di mas ta cay afor.

E resultado ta masha especial mes y — asina señor Patist ta bisa— ora luz cay riba dje anochi, e glas mula ta lombra y briya increiblemente bunita.

E pintor a busca riba internet pa haya sa mas tocante e tecnica aki pero no por a topa cu nada, loke a lage convenci cu e ta e unico artista te awor cu ta traha cu glas mula.

Esaki ta e prome biaha cu señor Patist ta exhibi den exterior desde cu el a bolbe bin biba na Aruba nuebe aña pasa. Den futuro, e ta spera di por tin exhibicionnan na Venezuela y Trinidad.

Tempo e tabata biba na Hulanda, el a exhibi na Hulanda, Belgica y Alemania.

Manera conoci, Freddy Patist ta e persona cu ta maneha Galeria Harmonia na San Nicolas.

Actualmente e galeria tin un exposicion andando di e pintor Venezolano Regulo Gutierrez y na Januari di e aña venidero, lo cuminsa cu un exposicon fresco.

Fotonan: algun di e obranan cu lo ta na Curacao.





Locual cu E no sa por hacie daño

Bo bisiña a ofrecebo pa spuit bo cura pabo. E sa kiko e ta haciendo? Professional Pest Control su techniconan tin trainingnan intensivo ariba e tereno aki. E probablemente NO TIN!

Professional Pest Control ta encurashabo pabo proteja bo familia, bo cas y e medio ambiente. E pestnan laganan den man di e Professionalnan.



**PROFESSIONAL
PEST CONTROL N.V.**
TEL: 25002





SUNRISE

by CONCHA y TORO®

New Varietals





Agente Exclusivo:
Romar Trading Co. N.V.
Tel: 834676
Fax: 835389